

Ngwuja'ri ngwanni ngwullu je Bulij Bilimün Äni kitabanu

Doo'ra dükäjäär dani Bulij diju korkon anni üllijing dimaada düngün dani Bilimün ngwuja'ri ngwee. Gur gani Bilimün ginänü. Ngwu'dun ngwüngün ngwati gu ngwükirijin o'rajidalu. Dinäd didi Bilimün dabru dorta düngün dani Bilimün. Gaji ganni giju ge Bulij korkon aar mbudi Onejemo gwe gwanni gwuma ru doo'ra didi Yicu.

A Bulij gwä'rä Onejemong gidoorta düngün ngwuja'ri ngwe ngwükäcüng je Bilimünning ndi aar o'rajidi Onejemo gwe ngwämni ngwügwä'ri nono diwengga ndi Kirictu.

Yajang yidi ngwuja'ri

1. Aganni Bilimünning (1.1–3)
2. Bulij gwuca Ngwaalinga yäy 'tu gwani Bilimün (1.4–7)
3. Bulij gwondaca Bilimünning ngwämni Onejemong ngwügwä'ri (1.8–22)
4. Aganni gwudi m'rä na otaci Ngwaalingalu (1.23–25)

*Ngwuja'ri ngwanni ngwüllijä je Bulij
Bilimünning*

¹ Äny gwuru gwani Bulij gwanni nggwo giyirna gwani ondaci ngwüjü ngwuja'ri ngwani Yicu Kirictu. Diweengga dege dani Timijawuj daganna je.

Ngwuja'ri ngwee ngwükäcī nje dimaada dani Bilimün dannī diru nyi de gimaad ndi apajidi yiiru yidi Yicu Kirictu.

² Nyi aganni diwengga dege dani Apibiya na diweengga dani Arikibiyuj gwanni gwati nyii le ape yiiru yidi Yicu Kirictu yongra na nyi aganni gi'donga gidi Ngwaalu ganni gati acajidi ngwu'dun ngwunga.

³ Ara je gu yīmī'rū na adatalu ji gwudi Ngwaalu ngwanni ngwuru Papa gwege na Deleny dani Yicu Kirictu!

Bulij gwati ci Ngwaalinga yäy 'tu gwani ämnī gwudi Bilimün

⁴ Äny gwati ci Ngwaalinga yäy 'tu giyomon 'dar gwani nga minje otacalu.

⁵ Anaku ati nyi gu 'dingini ngwüjī yīkīrjīin ye yunga Gideleny dani Yicu na ämnī gwe gwunga ngwüjū ku gwudi Ngwaalu.

⁶ Nyi be ari, a acajidi gwudi ämnī gwunga ngwüjīngä le ngwudi Ngwaalu ru 'didanu nunnu nga äti bebereng 'dar giyi'ral yanni yijaw nda je ärrī ngwüriny ngwe gwudi Yicu Kirictu.

⁷ Äny gwujayanu gwulleney nyi ojeme nono gwani mengga ämnī gwe gwunga ngwüjū ngwudi Ngwaalu. Anaku ma gu gäbici yigor yegen yima amanu.

Bulij gwondaca Bilimünning Onejemo gwe

⁸ A be no, gwani mengga, ndi Kirictu nggwaadi 'ranu, ndi ang girnya dulu de nyi ärrījī yi'ral giyee.

⁹ A be anaku äti nda gu ämnīng Ngwaalu a ngwengga Ngwaalu, nyi be ari nunnu nggwadi

ang pácälü aa'ti nunnu madinani gwüny 'dogo, a be 'to anaku jiny gu giyirna yani ondaci gwe güny ngwüjü ngwuja'ri Gideleny dani Yicu Kirictu.

¹⁰ Äny gwüpácängälü gwani diweengga dani Onejemo gwanni gwuma ru nono giji güny, äny gwuma ru nono papa gwüngün anni jiny giyirna.

¹¹ Nginde gwele gwerre gwa'ti ämbädi* 'dunggunga, a be gweneno, gwuma be amba 'dengge.

¹² Äny gwuminyi gwä'rä aar ang o'raca gwani nono ma ang ü'ricä ligor lüny.

¹³ Gwunaniny aadi aar nyi jicalu gito gito nunnu ngwuji ngwaalu ngwunga ati aar nyi äpiji yiiru anaku jiny gu giyirna gwani ondaci ngwüjü ngwuja'ri ngwanni ngwujaw ngwudi Yicu.

¹⁴ Nyi 'ti be jädi ndi ärrä yi'ral yere ya'ti ye ligor lunga aru nunnu yere yanni yijaw ya je ärrä na je ärrä ligor lunga aa'ti ya aar je linyaci yiima ye.

¹⁵ Ya gu mine ru ndi ari nginde gwugatananga giyomon giyee cong, nunnu aar ang o'raca gwur'tal.

¹⁶ Nginde gwa'ti ba be rüdi nono dīnäd 'dunggunga 'dogo, nginde gwupana gidīnäd. Nginde gwuma ru diweengga dānni dāmnär. Ndi ari nginde gwuma ru dikirijin Ngwaalu. Gwāmniny gwulleny a be gwa ang ämnāni gwulleny 'dünggüny nono dīnädä dunga a dikirijin Gideleny dani Yicu.

* **1:11** 1.11 Ngwüriny ngwani Onejemo ngwani "amba."

Bulij gwubupa Bilimünäng ngwüdüdäniji One-jemong

17 A no, manari nga gwatiny engga nono dimada ndi apajidi yiiru yidi Kirictu, mätī One-jemong nono aadi nyi gu määtä.

18 A be manari nginde gwärrijängä yi'ral yere yiki, yaa gwüminädängä dämjä nono dere, gäbica giligo'ro lüny.

19 Äny gwani Bulij äny gwallu ngwuja'ri ngwee guy ge güny äny gwa ang 'tüci. Äny gwa'ti jädi ndi ang ci äny gwüminädängä dämjä nono dani ligo'ro lunga ndi ari äny gwuru gwurujanga dikirijin Ngwaalu guy ge güny.

20 Yäy gwani mengga gäbicing nyi mbuji jaying ngwäy 'dunggunga Gideleny, gäbica ligor lüny ngwamanu ndi ari nga gwuru dikirijin ndi Kirictu.

21 Äny gwülingidi ndi ari ngwuja'ri ngwee ngwuca je ngwe ngwa ji ngwa je ämni 'di nga gwä'tüdänälü ngwa je ärrī ngwanni ngwonyadana.

22 Nga be ci 'to, gī'tijiny ngwu'duna mama ngwanni ngwadi nyi gu ila nyi gu üllälü ma Ngwaalu ämnä otacing gwalu ndi ari aar nyi igitijä gay nyi ila 'danggalu.

Aganni gwudi mī'rä

23 Diweengga dani Ababraj danni diju nyi de giyirna gwani ondaci ngwüjü ngwuja'ri gwudi Yicu, dagana je

24 na ngwoo'ra gwuru gimaad güny ngwani Murkuj na Arictakuj na Dimaj na Luka, laganna je 'to.

²⁵ Ara je gu yimä'rü ji 'dar yidi Deleny dani Yicu Kirictu.

Laro Bible (Bible)
Laro NT

copyright © 2020 Wycliffe Bible Translators, Inc.

Language: (Laro)

Contributor: ECS Diocese of Khartoum Translation Department

This text box needs to have content for PT9 to upload is to the DBL.
All rights reserved.

2020-11-19

PDF generated using Haiola and XeLaTeX on 25 Aug 2024 from source
files dated 29 Jan 2022

80c639f7-4569-5ffa-a77d-5df4c223631f